

# Хানты ясайд

22 сентября 2016 года

[www.khanty-yasang.ru](http://www.khanty-yasang.ru)

№ 18 (3462)

Основана 1 ноября 1957 года



Тাম  
номерайн  
лүнтаты:

3

Россия мүвөв  
луваттыйн  
ширести хятл  
мәнәс

4

Ёмвошин  
вөнтät вантман  
тäйты ёх  
äктäшсät

10

Ханшань иинлätт  
хурамань  
воньшпäт  
ёнтты хошл

14

Рэт ясцät  
вэнлтäты вэр  
олаңän

16

Весвой  
вэйтум тäхи  
олаңän  
лүнтаты!

Лыпт хойты тылдыш 15-мит хатталы Социалной вэрт лэштты олдэн мирхот вэс.

## Мир нүшайт түнматлув

Оса вэрт тэты департамент хуша рэпитты ики Яков Самохвалов ясэн эвэлт уша йис, ин Ёмвош округ луваттын нух вантла, муй иты социалной вэрт тэты осатхет рэпитлэт. Елды лэлн ар оса тэхи мир нүшайт ат лэштлэт. Россия муй хон ики ясэн китас ямсыева мосл нух вантты, муйсэр нүшайт оса тэхетн ёх түнматлэт. Щалта социалной вэрт тэты щира оса тэхет вухан мэты мосл. Лыв, вантэ, арсыр унтас мира лэштлэт. Мосл лупты, оса тэхет яма па сора рэпитлэт. Кашан од некоммерческой тэхет кэларти вэр щирн поступсээт етлэт. Югра мүвн иса хэлум щурас мултас оса тэхи пүншман вэл. Итэх общественной утят Югра мүвн хэс мултас од мэр рэпитлэт.

Елды Ёмвош округ «Открытый регион» нэмпи тэхи кэща нэ Оксана Макеева луплэц:

— Лыпт хойты 30-мит хатл вэнта кашан хайнхэх ай паватты, пакл муйсэр нүшайт мирвэлупсыйнлэштты мосл. Шипата Югра муйвн вэлты мир интернета [www.crowdugra.ru](http://www.crowdugra.ru) дунаты па нын нүшадэн олдэн хайншаты. Ёх хайншты вэрт ямсыева нух вантдайт.

Тэмиты мир нүшайт эхтыйн рэпитты тэхи оса вэрт тэты департамент лэштлэц:

Ульяна  
ДАНИЛО

## Округ кэшайт мирхот

Лыпт хойты тылдыш 16-мит хатталын округ кэшайт дэнкар хэ Геннадий Бухтин мирхот вэрлэнтэс.

Мирхотн Россия муй кэща хэ Владимир Путин казакэт олдэн поступсээ тэты вэр олдэн пуртартсы. Г.Бухтин ясэн щирн, Югра мүвн хүвн казакэт пила рэпитлэт. Ар казацкой тэхи тывас. Казакэт полиция ёха па вэнтэлт давалман тайты нётлэт. Округев «Развитие российского казачества» поступсээ хуват арсыр вэрт тэлдийт. Мосан, ешавэл Югра муй казакэт катра, лайт тэхрүм кэлтэйт ийлдэл вэлупсы нух лэштты пуртлэт. Ёмвош районэн янкем катра кэлт вэл, щит Сухоруково, Скри-

пуново, Зенково, Семейка па па кэлтэйт, щайт ям питы муй. Мосан, казакэт хот тухдэн вэйт ёнмалты пуртлэт. Геннадий Бухтин Югра муй внутренней политики департамент ёха партас мирхот лэштты, лэлн щайт щи вэр олдэн пуртартты.

Мирхотн па президент партупсы олдэн пуртартсы. Щит мир ямалты вэр тэты поступсээ хуват лэтуум ийлдэл пурмасын па ѿнкайтн тохтурята рэпитты олднитты мосл. «Тэм олн пэдьницийт пайт 782 миллион шойт вуха аршак пурмас дэлтэй,

иса ки лүнжтты – 50 миллиард шойт щи вэр мэнэс», – Геннадий Бухтин луплэц.

Щи тумпи мирхотн пуртартсы, хуты Ас ногтты тылдышн округ кэшайт «Наше будущее» социалной поступсээт фонд ёх пила ияха рэпитты щира кашашты непекэн ёш посэйт пунсэйт. Ин щи тэхи вух унтасн Когалым воши океанариум омассы.

Округев «Развитие транспортной системы» поступсээ хуват тэм одн түтэй хопайт янхты вэр, машинайт янхты ёш ийлдлэлтэй вэртэй 1,3 миллиард шойт нэгтгэлээ вух мэнл.

**Людмила СПИРЯКОВА**

## Лэнх нэмман, Вэрт нэмман вэлдаты

Лыпт хойты тылдыш 14-мит хатталы Ёмвоши видеомирхот муҳтых Когалым, Лангепас, Мегион, Нефтеюганск, Нижневартовск, Нягань, Сөрханд па па вошайт пила лэнхэ эвэлтэй вэрт олдэн пуртэр вэс. Тыв православие, ислам щирн лэнх нэммын ёх, оса тэхет па округ вошайтн правительства хуша рэпитты хувьтэй ёкташтэйт. Тэм мирхотн иса 250-кем хайнхэх вэс.

Юхтум мира олдэн ясэн «Югра – Социум» нэмпийтэх кэщахэй **Илья Верховский** луплэц:

— Яха пуртрумуман елды ям рэпэта тыв. Щи пайт мүн ин ияха ёкташтэй. Кашан хайнхэхэ мосл лыпни нумсэн тайты вэрлэл нух пуртартты. Мүнчэвэрийн дэхсэна имүвн вэлтэй мосл.

Елды Ёмвош «Покрова Пресвятой Богородицы» нэмпи Тэрэум хотн перна пос пүнты ики **Сергей Кравцов** ясэн вүс:

— Арсыр лэнхэта эвэлтэй ёх ар од мэр ияха па ихондэн яма

вэлдэлтэй. Тэм хатл тэмшэхэдэх сэхээ вэлтэй вэр иелдэл тэты мосл. Вантэ, Ная-Вэртэ паойкщайтэй мир пэлтэй па атум вэр ён вэрлэлтэй. Мэйт дүтэй щит лэнх нэмман тайтэй хайнхэхэ атум нумас ён тайлдэл. Нын щи вэлдан, Тэрэумын эвэлтэй пурвэлдүүн нэргтама ар мир хулт педа тэсэй. Щи пайт арсыр лэнхэта эвэлтэй мирята ияха катлэсман елды рэпитты мосл. Щирн мир күтнэ дэлж па нэргтам атум вэрт тайвты ёнт пуртлэт.

Ёмвош епархия Тэрэум хотн рэпитты пэп ики **Дмитрий Губанищев** ясэн эвэлт уша йис,

Ная-Вэртэ эвэлтэй ёх ияха талдаслэлтэй. Щалта арсыр лэнхэта паойкщайтэй ёха рэхлэлтэй иши яха рэпитты. Щирн ар ям вэр мүн яха паклэв вэртэй.

Щалта ияха ёкташтум ёх күтн Ёмвош округ мусульман ёх муфтий хэ **Тагир Хазрат Саматов** луплэц:

— Православие па ислам щирн лэнхэ эвэлтэй ёх итэх вэртэйдэл иширн альшадаа щит – Муса па Моисей, Иса па Иисус. Щи тумпи мүн авраамические религии щирн ита лүнгаслэв. Кашан хайнхэхэ лэнх нэммэн, вэрт нэмман ат лэлн вэл! Ин Курбан-байрам нэмпи вэн емэнхэтэл дэлжин худые-ва мира ям яснэт кит-лүв. Ешак мир, уй па ям вэлупсы нынана!

Ульяна  
МОЛДАНОВА



Лыпят хойты тылдыш 19-мит хаталн пиресты вэр одан ёмвош округ избирательной тахи кэща Андрей Павкин, щи хот секретарь Ксения Дмитриева па Югра мир правайт венльты не Наталья Стребкова ай паватсат, дэлн мувев мир уша ат вэрсат, муй арат хуят пиресты хаталн депутаттат пирисат.

## Пиресты вэр нух вантсы

Мосл лупты, мүн мувевн 702-кем избирательной хот вэс, щиттэн пириты шир 1120319-кем хуят тайсат. Пиресты хаталн мир вошён, районной, окружной думая, шалта Тюменской областной думая па Российской Федерации Государственной Думая хэннхэйт пирисат. Пиресты хоттэн щи пурайн хэлумкем щурас вантты ёх омаскат па катсот мултас айкел ажаты хуят вэс.

Тэм пүлян уша йис, нялсot мултас щурас хуят округев хуватыйн пиресты хота яхсат, щит 39,1 процент избирателят эвэлт. Мэт ар хуят Нефтеюганской, Нуви санхум па ёмвош районнэт депутаттат пирисат, щит 60-90% мир. Мэт шимл хэннхэ Сэрганл районэн, Сэрганл па Мегион вошн пириты хота юхтыйлсат, щит 30%.

Государственной Думая питты 14 партия вуратсат. Одномандатной округ хуши 47,63-кем процент арат югорчанэт «Единая Россия» мир пирисат, ЛДПР – 22,28 процент ёх, КПРФ – 9,71 процент хуят, «Справедливая Россия» – 5,66 процент мир. Па партияйт мүн мувевн шимл хуянт пирисат, щит пяты ёмвош округ эвэлт лыв Госдумайн рэпитты ён питлэт. Одномандатной тахи эвэлт Государственной Думая «Единая Россия» тахи эвэлт 46,6% избирателят Павел Завальный па 37,36% хуят Александр Сидоров пирисат.

Ёмвош округ думая ярхэс одномандатной тахет эвэлт лапатхуцьян тахетн «Единая Россия» ёх нух питсат, и хуят ЛДПР па и хэннхэ КПРФ эвэлт Нефтеюганскайн па Урайн пирисийн.

Округ думая хэт партия ёх

луунты вуратсат: 46,83-кем процент «Единая Россия» холумтас, ЛДПР – 25,23%, КПРФ – 11,54% па «Справедливая Россия» – 8, 27%. Щит пяты лыв округев думайн рэпитты питлэт. «Партия роста» па «Патриоты России» немуп тахи ёх щив ён пирисат.

Тюменской областной думая яц одномандатной тахетн округев мир иса «Единая Россия» ёх пирисат, единой тахи эвэлт одан тахия «Единая Россия» питас, кимит тахия – ЛДПР, хэлмит тахия – КПРФ.

Югра мир правайт венльты не Н. Стребкова лупас, Единый день голосования немуп хаталн округ хуватыйн нэмасяя дэрамтсы, хутысаты пиресты тахет рэпитлэт па мир правайт ямсыева тайлдийт муй ёнтэ. Уша йис, ар тахетн избирательной комиссияйт мости щирн рэпитсат. Лув щи хаталн ёмвошн арсыр пиресты хотата луунтыдас па щи пэды вантты ёх лувела пиресты вер одан ён лупсат.

Избирательной комиссияйт 90-кем процент протокол дэштэйт. Лыпят хойты тылдыш 20-мит хаталн окружной избирательной комиссия ёх мости непекэт хулььеяа дэштэйт па уша питл, муй арат хуят ёмвош округ Югра эвэлт Государственной Дума пирисат. Эхэт щи одан ён лув Центральной избирательной хота ай паватлэт. Муйкем хуят окружной думая депутаттат пирисат, уша йил тэм тылдыш 22-мит хаталн. Тюменской области думая питты вер одан ён 23-мит хаталн уша паватлзы. Муй арат мир вошён па районной думайта депутаттат пирисат, уша питл лыпят тылдыш 19-20-мит хаталн.

Реональда ОЛЬЗИНА

## Няврэмт одан нэмэсты мосл

Ёмвошн няврэмт вэртэйн рэпитты ёх вэндтыйлты мирхота ажтайчилдсийт. Щаты округ па район комиссияйт хуши няврэмт пила рэпитты хуятт, округ кэштэйт, прокуратура па оса тахетн кэпарты мир, айкеэдт ажтайчилдсийт ёх вэртэйт.

Мирхот пүншумн комиссия тахийн кэща юкана вэлты ими Т. Черкашина путартас, муйсэр рэпата лыв тэдэйт айлат хуятт пила рэпитман. Округевн айлат ёх пята арсыр мости вэртэйт: «Подросток», «Формула твоей безопасности», «Детство – территория добра», «Защитить и уберечь» па па вэртэйт.

Районнэт рэпитты ёх иши сыр-сыр мости вэртэйт тэдэйт, дэлн айлат хуятат атум вэра ал катлассат. 2016-мит одн нивл тылдыш мэр ияха тэты рэпата вурн айлат ёх күтн атум вэр лапат процента шимла йис. Урай вошн ёшколайн вэндтыйлты айлат хэ Г. Чебыкин ай няврэмт пята вэндтупсы дэштэйт, муй вэрты мосл, дэлн вевтам вэра ал питтэй. 2015-мит одн лыв хушеда 750 няврэм юхтыдас, 2016-мит одн – 1180 няврэм. Щи эмаш вэр пята Георгий ишак непекн мойлдасы. «Югра» нэмпи телерадиокомпания няврэмт пята ванлтаты тахийн рэпитты не О. Лазарева лупас, хуты тэм йилуп йисин айлат ёх пила телевидения па интернет хуват арсыр вэлупсы щирт одан ён путарты мосл.

«Новости Югры» газета кэща лэндэр хэ М. Осипов Нижневартовск вош «Новое время» нэмпи непек одан ён ясэн тэс. Лув путартас, хуты лыв няврэм вэрт нух вантты комиссия ёх пила рэпитлэт, лыв дэштэйт вэрлал одан хэншдэйт. Щи газетайн «Родительское собрание» нэмпи тахи вэл, хута ёнкет-ащет пята хэншлы, муй щирн няврэмт энмэлтэй мосл.

Щи тумги айлат ёх пила кэпарты арсыр тахет эвэлт юхтум хуятт рэпатаел одан ён путартас, хуты вэр яма патэса дэштэйт пята ияха катлассман рэпитты мосл.

Пресс-служба айкел  
Хэнтэя ясэнца тулмащтас  
Надежда ВАХ

# Вәнтәт оләңән вән ми rhot

Лыпәт хойты тыләш 14-митн ёмвоши Югра мүв вәнтәт оләңән вән ми rhot вәс. Тәми вәнтәт вантман тайты ёх емәңхәтла дәштәс, мәта ут 50 ол юхлы постәты питсү. Тәм ми rhot округ правительства кәщайт, округ мүв-ават давәлман тайты вәрәт тәты департамент па Югра мүв вәнтәт вантман тайты тәхи ёх дәштәсät.

Тәм ми rhot вәнтәт вантман тайты, юх сәвәрты, юх дәштәтты ёх дыв рәпатаидал, нүшайдал, щитат түнматты вәр па муй саты йилуп щирн рәпитетты оләңән путәртсät.

«Югра-Экспо» хотн Югра мүв арсыр лесничестваит лыв рәпатаидал оләңән хәрдал дәштәсät, щи оләңән арсыр непекәт вәнтты рәхäc. Камн «Югра-Экспо» хот пүнәлн вәнтәтн түт хәрәтты машинайт, юх сәвәрты пурмасät ванлтупсы вәс. Щи тумпи «Вәнт таш» ванлтупсы дәштәс.

Мет әмәш «Югра мүв мет ям юх сәвәрты хә» кәсупсы вантты вәс. Щит 2013-мит ол вүш эвәлт дәштәтлы. Щи пурайн лыпәт хойты тыләш 20-мит хәтлән щи кәсупсы мәнäc.

Ми rhot елпийн мет сыры щив юхтум ёх 70



Юх эвәтл



Юх сәвәрты ёх кәслät

Л. Стирикова вүтәм хурнән

мултас нанк па сүмәт юх омәссät. Щәлта имухты юх сәвәрты ёх күтн кәсупсы олңитсät. Мүв-ават давәлтты вәр тәты департамент кәща хә Е. Платонов вүща ясäн вәрман лупäс:

— Тәмхәтл хәлмит пүш юх сәвәрты ёх күтн кәсупсы вәрлүв. Щит вудаң па давәрт рәпата. Вән пәмашипа, хуты нын щи рәпата яма тәдтү. Мүң тәмхәтл нынән ёкәтсүв, дәлн уша вәрты, хуйтат нын эвәлтана тәсапа сора юх сәвәрты хошлät.

Щәлта Е. Платонов лупäс, хуты ипулдиң Москва хон вош пүнәлн вәлтү Пушкино вошн тухлән хопатн вәнт түт хәрәтты ёх күтн кәсупсы мәнäc. Щäта кät хәтл

мәр Югра мүв эвәлт и кәсты хуят нух питäс.

Щәлта юх сәвәрты 11 хуят кәсты олңитсät. Лыв вет вәр хүват кәссät: юх сәвәрты, юх нүвәт эвәттү, тәса па сора юх сәвәрты карты ут ара вүты па нух ёкәттү. И вәр — щит хәлум минута мәр юх эвәлт тәса па сора 30 нув эвәттү. Тәм кәсупсыйн Дмитрий Меликов нух питäс, лүв «Самаровской лесхоз» хуша юх сәвәрты VI разряд тайты хәя вәл. Кимит тәхи Николай Фирсов вүс, лүв Нижневартовской районан «База авиационной и наземной охраны лесов» тәхийн юх сәвәрты хәя вәл, VI разряд тайл. Хәлмит тәхия Артём Смирнов питäс, лүв юх сәвәрты вәрн VI разряд тайл па ёмвоши вәнтән түт хәрәтты тәхийн рәпитетл.

Етн Югра мүв вәнтәт вантман тайты, юх энмәлтү па сәвәрты вәр тәты ёх пәты етнхот вәс. Щи пурайн щи ёха ар ям ясäн путәртсä. Тәмхәтл вәнтәт вантман тайты йилпа вүянты кätцән так ясäн лупсäң, дәлн тәса па яма рәпата

тәты питләнäн. Щит Самаровской вәнтәт вантман тайты хә Андрей Чертов па Нуви сәнхум вәнт вантман тайты хә Валерий Кузнецов. Округ мүв-ават вантман тайты вәр тәты департамент кәща хә Евгений Платонов дынана кортик кәши мойлäс. Щи тумпи щи хәтл вәнтәт яма тайты ёх ишäкты непек ёша холумтсät. Етнхота юхтум ёх Кондинской район хуша вәнтән түт хәрәтман илпитум А-22 тухлән хопн ўнтәма юум хә Дмитрий Бачурин нәмәлдмäсät. Тәм ол олңитум лүв 51 ода йис. 27 ол яма па вешката рәпитетмал пәты «За сбережение лесных богатств России» нәмпи мевл посн мәтү вүтцийлсä. Щит тәп вәйт дор тыләшн мäсä. Лүв щи мевл посн ѣн мийлясы, щирн ин щит Оренбургской области лүв ѣнкиела китлä.

Юхи хäшум күтн вәнтәт давәлман тайты ёх ешалт ариты-якты ёх арисат па яксат.

Людмила  
ШУЛЬГИНА

## ВӘЯТН ЩИ ОЛАҢӘН

Югра мүвевн вултум МДФ сохлät па хон пелäк Азербайджан па Иран мүвнäн ёх ләтлät. Нягань вошн вултум ЛВЛ сохлät па хон пелäк Германия, Бельгия, Дания па Англия мүвät хуяттä ләтлät. Сәрханл вошн сохлät Франция па Нидерланды мүвнäн ёх ләтлät. Ин па хон пелäк мүвät ёхн 7 миллиард шойт вүх арат вултум сохлät ләтлýйт. Сәрханл вошäң лесокомбинат хуяттä ин арсыр сохлät вәрты питсäт. Ин Малиновской вошн юх дәштәтты тәхи йиллаптлы. Щäта әнх вәрты тәхи омäсты питлы.

Лыптэй хойты тылдэш олдамит хэйтд вүш эвэлт Юграйн вэлты ёшколайт па итэх нявлэмт давалты хотятн ай ёх шахматайн юнты вэнлтыйлты питсэт. Олдн-нялд классатн щимаш урокат вэлдлядат, 5-11-мит классатн нявлэмт урокат юпийн шахматайн юнлдат. Интум нумас вэл вэншак классатн ёхат щи ут урокат манты пурайн верты.

## Мүвтэл кэсупсы вёрты ёр вэл

Тэм тылдэн 15-мит хэтэлн РИЦ-Югра хотын Федерация шахмат кэща Василий Филипенко, Югорской шахматной хот ух не Галина Ковалёва па физической культуры департамент кэща хэ Игорь Губкин айкел ёкэтты мира путартсэт, хутысаты ай хуята шахматайн юнты вэнлтэйд. Щалта муй щирн 2020-мит одн питты Мүвтэл шахматной кэсупсы Ёмвоши лэштэлти. Вэн ёх тухалпи мирхотн яртъян тэл дуват Георгий Рябов вэс. Лёвай павтас, хутысаты шахматайн юнлд.

Тэм ванан Баку вошин, хута 42-мит мүвтэл шахматной олимпиада вэс, ФИДЕ нэмуп тэхи ёх нумас павтасэт 2020-мит одн щи кэсупсы Ёмвоши вёрты. Мосл лупты, 2010-мит одн щимаш ут мүвевн вэлдляс. **В. Филипенко** щи олднан тэмиты лупас:

— Шеңк ям вэс, хэн Мүвтэл шахматной тэхи ёх щи нумас вёртэй. Ян мулдас ол Ёмвоши округ па Федерация шахмат Югры нэмуп тэхи ар вэр вёртэй, дэлн тэта ар хуя шахматайн ат юнсэт, арсыр кэсупсэт лэштэлти па 2010-мит одн Шахматной олимпиада Ёмвоши вёртэй.

**И. Губкин** ищи щит олднан лупас:

— Елды ищи тарма

рэпитеты па нэдам вэн кэсупсэт вёрты мосл. Тэм пүлжан мүн хущева Мүвтэл олимпиада вёртыя муй мослсавэл. Ма щирэмн, па пүш щит ки вёрты, мүн кэс тайлдв щи ут тэса лэштэлти.

Па хон пелак шахматистэт Югра мүв лыв хотэл юкана тайлдат. Лыв кашан од па тэл мэр ар пүш тыв юхтыйлдат.

Елды айкел ёкэтты мир иньшэссэт: югорской шахматистэт яма юнлдат муй ёнтэ? Тэта вэлты мир күтн хэнты гроссмейстерэт вэлты питлдат? **В. Филипенко** щи олднан тэмиты лупас:

— Мүн сотсыр вэр вэрлув, дэлн Юграйн ар хэннехэ щимаш хуята ат юсэт. Интум мүн нендув па хэлдүв Россия сборной хуши вэлддат, арсыр кэсупсэтн ай па вэн ёх нух питийлддат. Кашан од нявлэмт па айдатэх күтн метархуя шахматайн яма юнты питсэт. Лыв Югра па Россия паты касты кэс тайлдат.

**Г. Ковалева** нявлэмт вэнлтэты олднан павтас:

— «Федерация шахмат Югры» тэхи па Югорской шахматной хот хуши вэлты мир ванкутлы кэсупсэт лэштэлдат, дэлн мэт ар вэн ёх па нявлэм шахматайн юнты ат пиньшэсэт. Тэм пүш 43-кем шахматайн кэсупсы

питл. Ипүш леккарат күтн кэсупсы вэрсүв, емэн хотятн рэпитеты мир күтн пасхальной па рождественской кэсупсы вэрэнтсүв. Щалта полицейской па прокуратура мир күтн иши турнирэт вэсэт. Ар кэсупсы вэрлув, хута нявлэмт мэт вэн тэхет холумтэлд. Мулхатд окружной кэсупсы етшас, хута 223 ай ёх кэтихуяац район эвэлт вэсэт. Георгий Рябов щата хэлмит тэхи ёша павтас.

Щи тухалпи «Дети и ветераны» нэмуп вэр питийлд. «Меньше белых пятена на шахматной карте Югры» нэмуп вэр лэштэлти, щит унтасн ашкола па спортивной хотятн шахматной тэхет пүншсүв. Щалта округ хүватын 43 мастер-класс ашколайт па спортивной хотятн вэрсүв. Дүнэн иши рэпитетлув па Мүвтэл шахматайт хэтэлн, «День физкультуриста» хэтэлн иши кэсупсэт вэсэт. Тэмиты айдат ёх шахматайн юнты щи хүщлув.

**И. Губкин** ай павтас, муй арат хуя шахматайта вүянтэй:

— 2010-мит одн, хэн 39-мит Мүвтэл олимпиада вэс, ветхуяац кем щурас югорчанайт шахматайн юнсэт. Интум хэс кэти муниципальной тэхет ашколайт хуши 15-кем щурас нявлэм щи вера вүянтэй. Вэн хуята пила тэм пүлжан 18-кем щурас хэннехэ щи юнтан юнлд.

2006-мит одн Ёмвоши округ - Юграйн нял щурас хуя шахматайн юнсэт, тэм хэйтд - 18-кем щурас. Айкел ёкэтты ёха ёмаш вэс уша вёрты, 2020-мит одн шахматайн хуя шахматайт мэт ара ийл? **В. Филипенко** щи олднан тэмиты нэмасд:

— Муй арат хуя шахматойт кэсупсы питты

одн шахматиста ийл, интум даварт лупты. Шахматной вэнлтупсы лэштэлти, дэлн нявлэмт щитн юнты ат вэнлддат. Мүн нумас ён тайлув, дэлн лыв хульяева професиональной щирн юнты ат питсэт. Мэддэх хуята щи вэр сэма ки рагх, лыв спорт юкана ёхат щит ат тайлдат. Хув вүш эвэлт округевн 20-30-кем процент ашколайт хуши урокат юпийн нявлэмт щи вэра вэнлтыйлддат. Нэмхуяа щи олднан атум ясэн ён лупас. Айдат ёха шахматайн юнты эмаш.

**И. Губкин** иши щи олднан павтас:

— Мүн ён тарэндэлув, дэлн иса ар хуя шахматая ат вүянтэй. Тэп щи нявлэмт, хуята щитн юнлдат, лыведа математика па физика уша павтты кен.

Ёмвоши олаамит ашколайт вэлтэйлти пух **Г. Рябов** вет одн шахматайн юнты питас, интум луведа яртъян од. Дүв Шахматной академия хотн тэса юнты вэнлтыйл. Щи пух юниорской нэмуп сборной хуши вэл, «Кубок России» кэсупсын нух питийлд. Ешайн Георгий 14-кем нэптэн нявлэмт пила касты питл. Мирхотн лув лупас:

— Ма хэнты шахматайн юнты од мэр вэнлдсум па мэт сары Ёмвоши па ёх пила кассум. Эхат мэт яма юнты вэнлдсум па Санкт-Петербург, Челябинск, Сочи вошата касты янхсум. Тэм пүш Екатеринбурга янхлум. 2020-мит одн питты Мүвтэл олимпиада — щит манема мэт вулсан вэр. Щата па хон пелак ёх эвэлт мэт яма юнты вэнлтыйлдум. Щит унтасн иши па хуята пила касты питлум.

Реональда СУРЕЙСКАЯ

# Рэт ясцел тайлдэл

«Мүн ёшколаевн вэнлтыйлты нявшемт яма рэт ясцэн тайлдат. Вантэ, кашцэн мир тэп рэт ясцэл вэйман пакд лупты, ма – хэнты, муй па ма – хэтэнь. Ясцэн вэшлэки, па щи мир ёнтэм. Ин айдат нявшемт ясцэн тайлдат щи пэта рэт сый сацд. Мүн хушава рэт ясцэн газетая нявшемт хэншлдат. Лыв йис моньшэт, путрэлт рэт ясцэн хэншлдат». Тэмиты ма пилама Сэргханд район Русскинской ёшколайн рэпитты ими Елена Морус путэр однитас.

Тром-Аганские звёздочки» нэмпи непек хэнты па рүш ясцэнднан ётл. Тэм газета Сэргханд вош университет «Меди@полигон» нэмуп вэйтантупсы унтаснывас. Щитумпи Сэргханд район вэнлтыйлты вэрэлт тэты департамент хуша рэпитты ёх нётсэт. Сыры одати «Тэрум юхан хэсует» непек газета иты ётляс, ин журнала йис. Мет яма нявшемт Россия мүв журналисттэй тахия лунчман вэлты не, Сэргханд государственной педагогической университетн рэпитты ими Любовь Гризлюк нётасл. Лув ёша-кура эвет, пухэт хэншты па мир пила путэртты вэнлтэл.

– Елена Владимировна, муй однэн «Тэрум юхан хэсует» хэншлдат?

– Тэта ёшколайн вэнлтыйлты нявшемт хэншлдат. Эвет Кристина Тэвлана, Тая Покачева па Зоя



Рэт ясцэн хэншты эвнэн



Е. Морус нявшемт пила

И. Самсонова/верум.хур

Покачева сэргханд ясцэн арсыр айкелдат Русскинской вош па ёшкола однэн хэншлдат па рүш ясцэн эвэлт хэнты щира тулмаштэлдат. Лыв айдат классатн вэнлтыйлты нявшемт тыв непек хэншты хушдат. Щалта Сэргханд район Фёдоровской па Лямино вошатн вэнлтыйлты нявшемт мүн журналэв хэншлдат. Нявшемт арсыр вэр однэн ай паватлдат. Лыв интернат хотин вэлты вэрдал па ёшкола, вэнт кэртдад однэн хэншлдат. Тэта иса айдат эвет па пухэт рэпитлдат. Лыв хулыева яма Сэргханд мир хэнты ясцэн тайлдат. Щи пэта рэт ясцэнд мэт тэса хэншты хошлдат.

– Мэта хуят нявшемт хэнты ясцэн хэншты нётл?

– Эвет па пухэт рэт ясцэн хэнштэдн ёнкидал, ацидал па рэтнадал иньшэлдат. Лыведа Русскинской вош ёшколайн нявшемт вэнлтэты ими Татьяна

Андреевна Сайнакова нётл. Щалта ай ёх лыв рута арсыр айкелдат хэншлдат, хурат вүлдэлт па журнал есэлдат.

– **Муйсэр вудац вэрэлт нявшемт хэншты «Тэрум юхан хэсует» нэмпи журнал тайлд?**

– Ведши тывум одэвн мүн имухты иса Россия мүв айкел хэншты ёх «СМИртвоец-2014» касупсыя вүянтсүв. Эхэт уша йис, мүн хэлмит тэхи вэнтэ юхатсүв. Ма мойлупсы вүты янхсум, ишакты непек мүв сацты, иинца сацты айкел вёрты хэ Аркадий Мамонтов катлуптас. Иши 2014-мит одн увас мир вэнлтыйлты вэрэлт эхтэйн касупсы вэс. Щата ма, «Педагогика Севера: учимся вместе» нэмпи тахийн «Тэрум юхан хэсует» непек ванлтасум па путэртсум, муй иты сэргханд мүв нявшемт рэт ясцел пила рэпитлдат. Щи юпийн «Лучшая учебная программа» касупсын мүн одн мэста вүсүв. Щи тумпи грант нётты вухэт ёша павтыйлдүв. 2015-мит одн Елена па Геннадий Тимченко нэмпи тэхи «Культурная мозаика малых городов и сёл» утн журналэв вёрты вух юнцүв. Тэм од иши тахийн па нух питсүв. Щалта тэм од округгэв правительства грант вух ёша паватсүв. Мет вудац па лутац вэр щигт – нявшемт рэт ясцел хэншлдат па путэртлдат. Лыв рэт мирэл йис вэлупсы мосман тайлдэл. Щи пэта Сэргханд мир ясцэн мүн ан тэрупталэв.

## ХАНШУМ ПУТАР

### Ма мат данты ехдам

Кояпи чиминт қантэко оехтэл, қояхи аңкихэл ёчихэл энтэланцад. Ма ех юкан энам энтэ естэлдээм, ма илтэми естэлдээм пан ехдам илтэ. Ма ехдам иймэн явэнэн қонхээн водэт. Мэн велит тойлув. Чэки ар энтэ тойлув ирьеен, мэн дэхатланклув. Ма йокэлдам қолхажа энтэ пырэсхэн лин мустэмин варлэт якэн ропатахэт. Ма ачем велит пыре йанцилэл, вонт мэхэн йанцад қүлд қэнчэл. Чи тохэн энэлгээний пыхэртэлэдэлув намэл Ростислав далэгтмит класснэ онэлэлхэлэл. Ма анкем ематем ёнтэксэтэими. Инам варэлтлув охтэлэнэ. Макунтэ якэн водэм ичэн пыхэртэлдээм. Ма ос нинэ тойлдэм. Мэдээлэл кунты ма семьяхэм эйко. Ма семьяхэм емат дандэм. Ма дандэм чэн эйчиминт семья тоет.

Ида Тэвлана

Ульяна  
ДАНИЛО

# Емäнхäтл яма мäнаc

«Вәнт мүңева – щит емәң тäхи. Щäта нäртама немäлт ут кетумты па мэрэмäты ён мосл. Вेp пäты тäп мулты ут вүты рäхл. Вәнт муй мосл иса мäл. Юхäт худыева лыл тäйлät: сүмäт юх – щит Нүм Тәрум сүв юх; вәnши – ўнки юх; ём юх па пäщäр юх – айлат ненäт па няvремäң ненäт давäлдäл. Ноxär юх – щит емәң юх. Щит пäты вәнтые нын итана яма тäялн», – тäмиты лупäс культура вудаң рәпатнек па Югра почётной хäиннөхэ Мария Волдина Ноxär юх хäтäлн, мäта ут лыпäт хойты тылäш 17-митн вәc. Щи веp Югра мүвн нивл пүш пүшсы, лäлн мүң мирев вәнтэв давäлман ат тäйсэл.

Округев хон вошн Ноxär юх емäнхäтл каšäң ол «Вәнтвантман тäйти ёх» хäтл питты елпийн Дунина-Горкавича вош хүлыйн веpäntлү. Тäм пүш иши ар хуят няvремäл пила щив юхтыйлсäт. Ыывела тут ёсупсы хäрättы тäхи, «Самаровский Чугас», «Торум Маа» тäхи, «Музей Природы и Человека» хотн рэпитты мир ванлтупсэт лэшäтсäт. Няvремäт щäta арсыр юнтätn юнтсäт, яксäт «Вәнт няvремäт сэмн» немуп ванлтупсыйн олъпäң хурат хäиншäт, эхäтлэн янхäт, сэвты, сухта пүт веpты вәnlтыйлсäт. Щи тумпи вәn па ай хуяттä «Формула VI» немуп тäхия янхты эвет-пухäт яксäт, Международный центр моды тäхи эвет хурамäң ернасäт ванлтäтсäт, «ВАЗ 2110» немуп арән тäхи пухäт арят хäлдäнтсäт.

Емäнхäтл ёмвошкäща юкана вәлты не Татьяна Волгунова, природной ресурсäт ух хә Евгений Платонов па ёмвош район кäща Петр Захаров пүншäт. Щи юпийн вәнт давäлты хә ай пухл пила вотвой сух нух талсäңэн па хäиннөхэйта лупсы, хутысаты юхäт түншириäа омäсты мосл.

Щи хäтäлн ёмвош мир 150-кем ай ноxär юх, сүмäт, хаш па нацк юх омäссäт. Вәn па ай няvремäт ўнкида па ацилда юх омäсты нёtsäт. Мосл лупты, ёмвош округ-Югра кäща не Наталья Комарова иши юх омässä.

Кашäң ол вошäң мир хотäң ёхлал пила юх омäсты юхтыйлäт. Щит пäты природной ресурсäт департамент ух хә Е. Платонов иньшäссум, хäиннөхэйт омässum юхлала эхäтлät муй ёнтä ай сохлät лыв немäлл пила? Евгений Петрович лупäс, худна мирев щиты ён веpält. Щиты ки питäc, юхäт омäсты веp лэшäтты ёх дäлн щи вेpа нёtsäт. Наталья Владимировна нёмäсл, хән вошäң мир лыв саттäда ай сохлät юха эхäтты нумäc павätläat, щи пурайн ар хуяйт щиты веpты питлäat.

Юхäт омäсты веp олдäң Е. Платонов тäмиты лупäс:

– Хәнты «Самаровский чугас» хущи рәпитты ёх «Нäң юкан юх омса» немуп веp лэшäтыйлсät. Щит ропäхн каšäң ол 50-60-кем хуят няvremäл пила юхäт омäсты юхтыйлсät. Щит пäты немухуят вухн ён сухултäcы, ям веp веpты пäты лыв юх



Кäща ёх емäнхäтäлн



Юх омäsläat

омässä.

«День кедра» немуп веpа нивл ол. Дунина-Горкавича вош хүлыйн юхäң тäхи вәl, мët сыры щäta юхäт омässäv. Мët олдäң, хән щит веpты пиньшäсүв, пäл-сүв: вошäң мира щи веp эмäш питл муй ёнтä? Щив юхäтлät муй ёнтä? Мët сыры юхäт омäsmevn щит омässum мир күтн кäсupsы веpсүв, хуятат мët ям стихäт хäиншät. Ма нёмässum, тäп вет-нивл хуят щи веp вüяntlät. Щит юкана шенк ар хуят и щос мултас лыв стихлал лүнäтсät па ар арисät.

Өхäт па тäхийн юхäт

омäсты питсүв, лäлн мир вәлты хот питärn сыстама па хурамäна ат йис. Интум ноxär юх, вәnши, нацк, сүмäт па хаш юх омäsläv. Щит веpтыя ай юхäт ёшäт па нуви тут мäты картклэ тäхет дëпн вüйлялүв, ишипа щäta лыв нух сэвärtälyt. Вантэ, техника безопасности веp вüraanä щäta юхäta єnumты ён рäхл. Вошäң па округев мира лупты лäнхалум: хотдäн пүнäлн юх омäсты ки лäнхалты, ай юхäт нуви тутäң картклэлät, газопроводäт па ёшäт питärn вüяты.

Реональда ОЛЬЗИНА



Н.Шутова китумхурнан

## Хошум лўн хätлät

Лўн рүтьщäты пура кашäң няврэм хўв давäл. Щит, вантэ, няврэмäт кеша навäрты па юнтты пура. Лўн мär ай тёпиет яма рүтьщälät, елды вэнлтыйлты щом па нумäс äкätlät. Кашäң эвия, пуха хошум хätлätти амтäна па вещäна вälты мосд. Арсыр хоттелёх вälдät, итэххуятäта, мосäң, вух ѣн тäрмäл няврэмäт хошум мўва китты. Щимäш эвет па пухät кеша лўн мär рүтьщäты тäхет мўн мўвеин вälдät. Щи пäта няврэмättäta па мўва ѣнт яңхман пäkäät яма рүтьщäты.

Лўн хätlät хўва мänlät  
Бэнт сая хәнemäldät,

Ашколая мäntы сорни  
пура юхтäc

Хошум лўнев хулас...

Шäңк лўнев хэрдäc,  
Мўн ваншäң па лыптäң

лўнев  
Хўв мär немты питлэв,  
Аши карты хäрн хätläñ

хätл похнäc,

Няврэм сämätnuh  
амätsät!

Ёмвош округн лўн мär няврэмäт кеша рүтьщäты тäхет дэштäйлайт. Нуви сänхум вошн социальной вэрät тэты «Милосердие» тäхи ёх лўн мär няврэмäт рүтьщäты «Горизонт» немпи ут дэштäйл-läät. Тäта рүтьщäты эвет, пухät арсыр вэр уша вэрлät. Ай тёпиет мäтlyя вälты кеша арсыр юнтät дэштäйлман вälдät. Няврэм вэнлтäты

путärtty pa kütäldn ям нумäsn välty шира вэнлтäsyit. Щи тумпи тёпиет лекщитман тäysäit па арсыр витамиñän мийлясыйт. Кашäң алäң эвет па пухät камн хэхätlysäit. Няврэмäт епläñ нүм мўв воньшумутätn лапätmän täysäit.

Тäса па яма лўн мär ай ёх рүтьщäc. «Горизонт» тäхийн кëшäя Наталья Викторовна Шутова рäpitäc. Лўв няврэмät пида «Социальной приют для детей» немпи тäхийн капärräld. Тäm ими вантман тäysäld, муй иты эвет, пухät лапätläit па хутыса рүтьщälät.

Иса «Горизонт» немпи тäхийн лўн мär 119 ай ёх рүтьщäc, лыв кütäldn лавärt mäshup 35 няврэм, 19 тёпие лавärtta вälty мир семьяйт эвälт, 18 эви па пух ар няврэмäñ хоттел ёх эвälт, 22 хуят нўша семьяйт эвälт па 24 няврэм шæk вантты вälupseyin вälty хоттел ёх эвälт.

Няврэмät кеша тäm тäхийн лўнел вещкат па эмäш щирн мäñäc. Лыв мурта кütäldn яма вэнldäst па лäxänsäna йисäit.

Тäta рүтьщum ай ёх ѣнкет па ашет пëмашипа яснät лупсäit няврэм вэнlтäty ёха. Сэрханд вош «Центр социального обслуживания населения «На Калинке» немпи тäхия 24 ай хуят яңхсäit.

2016-мит ол лўн мär 15 эви, пух няврэм вэнltäty nенät пида па мўväta яңхсäit. Лыпäit сунумты тылäşn 7 тёпие Тюменской области мўv «Алье паруса» няврэмät рүтьщäty тäхия тэтъясыйт. Вўш нуви тылäşn 8 ай хуят Питы щорäsa Геленджик воша яңхсäit.

Лўн хошум хätlät и муй пäta няврэмäta ѣн тärumäldät? Лўн нюр иса епläñ мав, сора, сора хулäld!

Мўн няврэмät пида räpitte ёх вўшайn яснät эвета па пухäta, лыв ѣнкидала, ашидала китлүv. Йилуп одн яма вэнlтälyat!

**Наталья ШУТОВА,  
Нуви сänхум вош**

**Хäнты ясäна тулмаشتäc  
Ульяна  
ДАНИЛО**

# Пушхাতа щата әмäш вэс

Вэйт дор тылдäш 1-митн Манстэр район Ным Нярьёх көртэн ям арат ол мäр культура хотн «Хатлдäн мүв» нэмпи рүтьщäты хäр рэпитäл.

Культура хот кëща нè Людмила Торохова лупäс, сыры лыв рэпат-неклад нявшемäт эвälт иньщäслäт, муйсäр верäta нявшемäт вэнл-тыйлты лänхалäт. Елды ястäс:

— Мүн мёт яма ўш-кола вэнлтäты ёх пида рэпитлўй. ўшкола пў-нäлн рүтьщäты хäр и тылдäш рэпитäл, мүн ху-щева кät тылдäш. Тэньял мүн Манстэр районэв луваттыйн «Мет ям лүн» кäсупсы лэщäтсы, мүн «Хатлдäн мүв» рүтьщäты хäрев олдäнан айкел кит-сүв па олдäнmit тäхия питсүв.

Л.А. Торохова рүтьщäты хäред олдäнан хурäц непек аляс. Кëща нè лупäс, щимäш кäсупсыйн нух питум ёх мойлупсы тухалпи вух мäты мосäс. Тэньял тэп Манстэр район нял культура хот ёх кäсäс. Тäm олн культура комитет ёх вух ён вэйтсäт, ширн кäсупсы ён лэщäтсäт.

Рүтьщäты хäр 14:00 щос вўш эвälт 18:00

щосвэнты рэпитäс. Щит 6-16 ол луват нявшемäт пäты дэштман вэс. 30 эви-пух кўлуп хота юхтылдäт, щит ѣнтэ тэп көртэн нявшемäт, па вошат эвälт нявшемäт иши вэсäт.

Людмила Александровна лупäс, хуты Манстэр район депутатат вухн нётсäт бильярд па теннис юниты пासаннäн дётты. Пухят шенк щи юнтулпсэнäн мосман тай-сäт. Щи тумпийн кинайт па мультфильмäт вантты утät тай-дäт, ширн лүн пурайн щитат камн вантсäт.

Ма иньщäссум, муй пäты рүтьщäты хäра щимäш «Хатлдäн телепланета» нèм мäсы. Людмила Александровна щиты юхлы лупäс: «Кашäң хäтл телепередача иты йил, вантэ, тämхäтл мүв-авäйт лавäлты олдäнан путäр мäнаc, ширн ху-лыева вэрäт, кäсупсэт щи олдäнан лэщäтлдäйт. Юхи мäнты елпийн нявшемäт партлдäйт



Пушхаткамнхэхатдäйт па юнгдäт



Эвет сäк эвälт мултвы вэрдäт

мултвы юлн вेरты, лыв сämäna вэрдäт. Мулхäтл кät пуха юлн мосäс як вэнлтäты па елды худыева нявшемäта щи як ванттäты. Лүн пурайн мүн кэртэвн ар машина янхäл, вантэ, Игри姆 вош эвälт мир Ас хүват елды тутäң хопн янхäт. Щит пäты нявшемäт «Правила дорожного движения» вэнлтäлдäт, «Пожарная безопасность» вер олдäнан уша вэрдäт. Эвет-пухят «Пожарной часть» хота янхäт па вантсäт, муй ширн тут хэрäтты икет рэпитлдäт. МЧС ёх ванкултды нявшемäт пäты кäсупсэт лэщäтдäт».

Культура хот кëща ясäң ширн, рүтьщäты тäхийн нявшемäт ѣн лаптлдäйт. Нявшемäт лänхалäтки-юхимäнты

веритлдäт.

Тäm олн рүтьщäты хäра ДЦП мэштäйтээви юхтылдäс, лўв тэп 1-мит класс етшуптäс.

Мүн шиваладäсүв, муй ширн эвет сäк эвälт хурамäң турлопсäт кäрätсäт па елды өмäш як яксäт. Нявшемäт пида культура хотн рэпитты нè Александра Юрьевна Кобыляцкая рэпитäс. Кашäң щос рүтьщäты минута вэс, нявшемäт камн хэхäлдäт, навäр-сäт. Щäлта ма вантсум, муй арат хурамäң пур-мäс нявшемäт вэрсäт.

Пушхат лупсäт, хуты дыведа тата шенк өмäш рүтьщäты – щит мёт вулаң вэр!

Людмила  
СПИРЯКОВА



Л. Спирикова вэрдлумжурат

Сыр-сыр кäсупсэт лыв пäтэла лэщäтсäйт

Имултыйн Ёмвоша вэн ванлтупсия түнты эвэлт верум пурмасат тэсийт. Мир мурта түнты эвэлт ёнтуум ай хинтэг, воныщпэйт па па арсыр хурамса вантсэт па лэгэсэт. Ма иши анья утыет эмшэлдүман щэшийлтээм эвэлт сөмөма хэншэнд ийнчлэх хойс. Ийнчлэх пела анкэргэмэн щиты тээл нэмэлдмийлдсум, ма андлием итамиты тэса ёнтты хошл. Ийнчлэх хурамаанд хэншийн вэрман па ай юльетн ёнтман вэс. Эхэт ма уша вэрсем тэмшэг тэс пурмас Касум вошан ими Аксинья Григорьевна Ерныхова ёнтмал.

## Хэншэнд ийнчлэх ёнтты ими

Тэм дүн хэншэнд ийнчлэх ёнтты иммэй 80 ода юис. Катра Сүмэтишош район Хүллор кэртэн колхоз вэс, щата вўлды таш тайса. Щимэш вўлды кэртэн именчэн-икеңэн авиаётлавалтман рэпитсайсан. Щалта лўнэн лыпэйт тылдэш 14-мит хаталын 1936-мит одн дын эвие тайсан. Ин эви Аксинья Григорьевна ёшл ёша юис, кўрл кўра юис па Хўлдорн вўлды тайман рэпитац. Эхэт вўлды таш ан тайты питсэт. Касум воша каслдас. Няврэмдал өнмэлдтас. Ин хилдэт тайл.

Щи нартуул хэнты имиет худьева тэса ёнтасты хошлэлт. Аксинья Григорьевна тунты эвэлт хэншэнд ийнчлэх, хурамаанд воныщпэйт, няврэм онтпэйт па па арсыр өмэш утэт верты хошл. Тэм нэптэлд вэна ювум имев вўлды сүх пила иши катлдасийл. Лўв тэса юис паванц ернасат ёнтэл. Ийнтуул тэса катлдты айтэлн вэндас. Ин эвела, венчала па хилылдаа юис

хэнты мир пурмасат ёнтэл. Щи тумпи лўв ёнтуум сухлаад Россия па па хон пеллэг мувэйтн арсыр ванлтупсэтина мира ванлтэлдийт. Щиты нэптэлд вэна ювум ими тэса ёнтуум пурмасат унтасн арсыр ёх мүн хэнты мирев олднэн уша вэрлэлт. Лўв, вантэ, юис щирн ийнчлэл пунан ёнтлэлэ па хэншилдэл тэса вэрл.

Тэм вэн хуята ёнтастэл тумпи тумран верты хошл. Лўв 1990-мит од вўш эвэлт тумранаат верты вўянтас. Аксинья Григорьевна верум тумранаат Югра мўв дуваттыйн мирн ара вўсийт. Лўв верты тумранлал ям сый тайлэлт. Вантэ, щел лўв эвэлт вэрман вэлдэлт.

Щиты ийнтуул катлдты хошты ими Аксинья Григорьевна Ерныхова 2008-мит одн «Союз художников России» нэмпий тайхийн рэпитты ёхн «Народный мастер России» вулац нэмн мэсн.

Тэм ими ванкүлтлы Касум



Н.МОЛДАНОВА/МИОМ ХУРЧАН

Аксинья Григорьевна тунты эвэлт хэншэнд ийнчлэх, хурамаанд воныщпэйт, няврэм онтпэйт па па арсыр өмэш утэт верты хошл.

вошн юис пурмасат шавитты хота вохийла. Лўв щата айдат хуятаа ванлтэл, муй иты тэса тунты эвэлт пурмас верты. Хэн мосл тунты хурты па муй вўрн хэнши ийнчлэх, онтуул па па утэтаа верты. Лўв велди ийнтуул катлдты вэнлтэйлт ёх паматл. Айлтиеваа ванлтэл, муй иты юис ернаас, тутшэн хир ёнтлаа, хутыса вўлды сух дэгта тайнлэл.

Яма рэпитмал па тэса ёнтастэл пята Аксинья Григорьевна арсыр мойлупсэти мийдясы, мэйтакем Ишак непекэт, Благодарственой пищмайт тайл, щата ям вўща яснэт хэншман вэлдэлт. Щалта айдат нэцаа вэлдман рэпитты вўянтмал пята «За доблестный труд» мевл посн мевлэл хураман вэл.

Ин Аксинья Григорьевна Амня вошн вэл. Иса вэрн лўведа Татьяна эвэл па хилылдэл нэйтэлт. Тэмэш хэннэхэйт мүнэва хув юис, хув нэпэйт нэмман тайты мосл. Лыв мүн хэнты мирев юис вэлупсы елдэл тэдэлт.

Аксинья Григорьевна, мүн «Хэнты ясан» газетайн рэпитты ёх нацена вэн вўща яснэн китлув, тэлэца яма хув юис, хув нэпэйт вэл! Няврэмдэнэн па хилылдэл нэмман ат тайлайн.



А.Г. Ерныхова ёнтуум ай хинт



Аксинья Григорьевна ийнчлэх вэрманомаасл

Ульяна  
МОЛДАНОВА

# Хәнтэт вантман тайлыйт

Касум кәртән пәльнициайн 37-кәм хүят рәпитлд. Щи ёх күтн Людмила Рочева хәнты не вәл. Людмила Афанасьевна Паштар кәртән не, 1971-мит одн Ёмвоша мир лекщитты неңа вәнлтыйлты мәнәс. Щит етшупту-мәлд юпийн 1974-мит одн лўв Касум мүва ай тохтура рәпитетты китсы па щи вўш эвәлт щата щи кәпартәл.

Ин лўв 60-мит ол дувата йис. Пәльнициайн лўв 42-мит тәл рәпитетл. Рәпатайл одәнән Людмила щиты путәртәс:

- Хәнма 1974-митодн Касум кәрта рәпитетты юхатсум, пәльница хот худна ай вәс. Кәши-мәшән хәннөхүяттән пәта 15 улты тәххи вәс, интәм ишикемн хәшәс. Щи пурайн кашан хүяттән анализәт мәты пә-



Л. Рочева

та вошән пәльнициая китыйлсыйт. Ин мүң кәлд па па арсыр мосты ут тәта вўлув. Пенк иши тәта лекщитлы, сәм вантлы, воши тәп флюорография па УЗИ вўрды. Мүң хущева Вўтвош, Лорвош фельдшер тәхет иши дунман вәлдат. Щата айттохтурат рәпитетл. Щи кәртәтн па вәнт шушийн вәлты хәннөхүяттәт ипүш ол

мәр Касум пәльнициая юхтыйлдат. Тәта лыв ямсыева нух вантлыйт, мосл ки вән пәльнициая китлыйт.

Ин дапәт ол пәльнициаевн йилуп кәща не Ольга Александровна рәпитетл, ищимурт лўв терапевта вәл. Кәртән мирн лўв сәмәнда тайлы па лўв иши яма хәннөхүяттәт вәйтләдэ.

Хәннөхүяттәт тәм йисн нумсана йисат, пәльнициая лўв саптәда ванлтыйлты яңхләт. Юхи хәшум оләтн ар хүят сәм мәшн кашитты питас, ар хәннөхә вән давления мәш тайләт. Ар хүят описторхоз сәлвой тайләт. Щит мултыкем щи хүяттәт, хуйтат няр хўл ледәт. Лыв пиләда тохтурат иши рәпитетл, путәртл, хуты ён рахл няр хўл лесты, хўлдат эвәлт верты лестуттәт ямсыева кавәртты мосл.

Кәши-мәш тайты

ёх пуртәнән тәрум пәта мәдыйт, пираш хәннөхүяттәт па тынлы тынылыйт, тәп 50 процента пуртән тыннат эвәлт сухуптайдат. Пәльнициайн мосты пуртән иса вәл, мулты ут шимла йил ки, Нуви сәңхум вош эвәлт вохдат, щалта китлыйт. Щиты щи лыв кәртән пәльнициаин мир ямалман рәпитетл.

Людмила Афанасьевна иккел пила нял пух симмәлсән, ин лыв вәна, имена па хотаңа йисат. Тәп ай пухан худна лын пидана вәл. Хәлум хилы па хәлум хилнә тайләнән. Лўнән лўв рәт Паштар кәртәла яңхийл, щата Андрей апщел вәл. Дуся упел па Полнават кәртән, лўв 80-мит тәла йис.

Ма дәнхалум тәм апраң имия вән вўща ясән китти, хотаң хүттадл пила Найн-Вәртән давалман ат тайлыйт.

## Надежда ВАХ

дал вәтшайллә, атэлт хәшәл. Мосл амәтман вәлты. Кашаң хәннөхә пила нявләк нумәсн па ям ширн путәртты.

Ел вәлупсы одәнән нәмәстү мосл. Ләлнин вәлупсәнән мулты ям па әмәш вәр ат тывац, нәмәстү, муй нын вәлупсәнән түнматты дәнхалты. Па щи вера айкемн ёр пунты.

Муй нын пәтана мет тынән нын вәлупсәнән. Муй вәр пәта нын ёрлән мәлдән. Щитәпнанана ушән. Щит тәп нын дәштәттә вәртләт.

Щи яң вәр түнматман, нын ешавәл тәлаң па ям нумәсн юхатлыйт. Щит - тәлаң па уяна вәлты шир.

**Жанна ЛАПИНА,**  
**Нуви сәңхум вош**  
**«Милосердие» тәхи**

**Хәнты ясән тулмаشتас**  
**Надежда ИЛЬИНА**

# Яң вәр тәлаңа вәлты кеша

Тәлаң вәлупсы оләнән юремәты ён мосл. Хәннөхә щирл щимәш, хуты сыр-сыр вәртәт тәтти вәртал. Тәп итәх пурайн мосты арат щос рўтъштәт мосл. Дәлн хәннөхә ёрл ал худас. Щи тумпи яма лесты, и лотн ён омәсты, камнянхты, мулты утам нумәсн вәрты. Щит эвәлт иши тәлаңа йилән. Шар талты па вўна янъшты вәрнән вўшкәт мосл. Тәм атум вәрнән иши нәмўлт ям ут ён тәлнән. Хәннөхә тәп мәт кашаңа йил.

Хәннөхә вәлупсыйн амтән муй па шәкән вәрттывләт. Щит эвәлт хәннөхә няхәл муй па холдәл, нявләка йил муй па лыкәшәл. Ям вәрт эвәлт, хәннөхә нух амәтл, лўв ям нумәсн

юхатл. Атум, шәкән вәрт тывтыйн, хәннөхә иса щи одәнән щи нәмәсл. Тохтурат луплат, хуты щимәш нумсат иши мосләт. Хәннөхә щит эвәлт нумәслад түна йилат па лўв тәса нәмәстү пиньшәл, ёра па кәсәнә йил.

Кашаң хүята мосты па сәма рахты рәпата тайты мосл. Рәпата ён тайты хүята, нумсәл шәк, лўв вевлы-кослы йил. Мосл щимәш вәр вәйтты, мәта ут сәма рахл па щит вәрты.

Итәх пурайн па хүята нётты мосл па нәмұлт юхлы ён вохты. Щит иши нынана ёр па уй тәл.

Хәннөхүята итәх пурайн лўв саптәда хәштү мосл, дәлн нәмхүятын ал кәтумсы. Нумәслад түнматты, уша паватты,

муй лўв яма вәрл, муй па – ён мосты ширн.

Кашаң вәр амтән, йилуп ширн дәштәттү мосл. Ләлн хәннөхә я щит эвәлт ушхудъ па әмәш ат вәс. Нәмәстү, муй лўв па ширн, дәлн верац.

Кашаң хәннөхә ар мир күтн вәл. Щи мир күтн ям па атум хүяттәт вәлдат. Щит пәта мосл аршак щос ям нумсуп хүяттәт пила вәйтантыйл, лыв пиләда путәртты па мулты вәрты. Щит иши ёр мәл.

Ин тәм йилуп йисн хәннөхә ар щос телевизор муй па компьютер пәлә вантман вәл. Щит иши немәлт ям ут ён тәл. Лўв па хүяттәт пила ён вәйтантыйл, ён путәртәл па ешавәл дәхәсләл па вәтән хүят-

# Рэт мүв паты нүрэна ювайнтдат

Вүләң мир хатл Ёмвош округан 1930-мит одат вүш эвәлт порилдлы, хэн Касум па Саранпауль кэртнэн совхознэн пүншсыйнан па шуши мира олимпиада нэмуп еманхатл вёрты питсы. Өхат вүләң ёх еманхатл День оленевода щирн альщасы.

Когалым вошн щи еманхатл ян мултас ол вэрәнтлү. Щи ут ООО «ЛУКОЙЛ-Западная Сибирь», Союз олениводов нэмуп тা�хи па вошай кәща хотн рәпитетти мир дәштдат. Щи вера «ЛУКОЙЛ-Западная Сибирь» вух мийлял. Щи тা�хи Югра хуши 50-кем мүвн питы вуй холумтл. Щи мүвәйтн 334 шуши семья (1134 хуяят) вәл. Хутысаты лыв вәлдат, Вүләң мир тা�хи кәща пила путартсум, щит Степан Кечимов.

— Вүләң мир хатл тови еманхатда лўнтасл. Ёмвош округан щи ут арсыр районат па кэртәт хуши вэрәнтлү, хута вүләт па вүләң ёх вәлдат. Щит шенк ям вәр! 1980-1990-мит одатн щи мүвәйтн, хута мүв илпи ташхолумтлыш, исашимл вүлән хәшилдәс па шуши мир шәк түвман вәсәт. Когалыман Вүләң мир хатл порилдаты пурайн, 60-кем вүләң өхәл касаң. Мүн шуши ёхлүв тухалпи Ямал эвәлтюрн ёх хэт вүлән өхәлн тыв юхат. Лыв Ноябрьск вош питәрн Ханымей кэртән вәлдат. Тыв хәлум щос мултас яисат. Щи хуята вәлдат, Когалым хуши кашаң ол шенк ям еманхатл вэрәнтлү. Щит питты елпийн лыв оргкомитетн рәпитетти мира карткел хүват ай пават, хутытыв йиты ләнчалат. Мүн вүлән ёхлүв кашашат, лән юрнат лыв пила арсыр касупсэтн ат кассат.

— «ЛУКОЙЛ-Западная Сибирь» хуши рәпитетти Константин Беляев пила

**путартсум. Лүв шуши мира унтастый хәя вәл. Щи хуята саң эвәлт уша паватсум, нын хущана вүтн вәлты мир нүша ѣн вантдат.**

— Па муй. Мүв илпи таш холумты тахет шуши ёх пила нух нётты непек хәншат. Щит паты хантэт нүша ѣн вантдат. Питы вуй нух талты мәр лыв 10-20-кем ол Сургутнефтегаз па «ЛУКОЙЛ-Западная Сибирь» тахенән пила нух нётты непек хәншман тайлэт. Щи тумпи Сәрханл районан Сургутнефтегаз па «ЛУКОЙЛ-Западная Сибирь» утнан вух рүвн шуши мир еманхатдат вэрәнтлыйт. Там еманхатл дәшттү иши «ЛУКОЙЛ-Западная Сибирь» тা�хи вух мәс.

Мүн хущева хантэт па питы вуй холумты мир күтән яма вәлдат, юхи хәшум одатн ѣн лявлат па ѣн нүртлэт. Атма ки вәсүв, лән щи мир Когалымн па па тахетн тәмаш хурамаң еманхатдат ѣн вәрсәт. Хән мултас ювра вәр питыйл, сора кеши ияха щи ут нух түнматлүв.

**— Мүй паты шуши ёх итәх пурайн щи мир пила нүрэна ювайнтдат?**

— Вүлән дантан тахет па хүл велпәсләтни юханат, лорат паты. Щи мир 25-кем мүй 50-кем ол мәр рэт мүвн питы вуй нух вүтни непек тайлэт. Хәнты хуята лүв мүвәлн вәл, лорат мүй юханл хуши хүл велпәсләт. Щита лүв рэт мүвл, вүләлдат па дантан ёхумл вәл. Хәнисхә вәлтад



Степан Кечимов рэт ёхдал пила

нәпят щата вәл, ащел, щащел па щатьщащел щата вәсән. Щит паты лүв ѣн ләнчал, лән рэт мүвәлә нүм мүв ёх таш холумты ат юхат. Щит паты шуши ёх нефтяникат пила вўра вортдат. Мүн мирәв сәмелн талдыйт тәп рэт мүвәлн вәлдаты. Вошн лывела вәлдаты давәрт питл. Шуши мир кәртаки касаңдат, кэртән вәлупсы лывела иши ѣн мәстәл. Щи нумасн лыв вүлән давәлдаты вәра ар ёр пунләт.

**— Банкүтлү хантэт па мүва касаңдаты партлыйт, лән нүм мүв ёх лыв мүвәлн питы вуй нух ат талсат?**

— Вәл-вәл щи вәр вәлдял. Нефтяникат луплат, рэт мүв тумпи мүв пуритты Ѣнц па тахийн омасты ѣн рахл. Щит паты хантетга ел мәнты мосл. Мосл лупты, хэн шуши мир па мүва каслуптаты партлыйт, нүм мүв мир лывела ел касаңдаты нётләт. Щи нётупсы оләнән экономической непекн хәншман вәл.

Когалымской мүв ки вүтни, юхи хәшум одатн вүлән шенк ара йис. Интум ар айлат ёх вүлән давәлдаты ләнчалат. Тәп ёхум шимл, щит паты вүләт па тахетн систамат мүй

тәрмәл па шуши ёх итәх пурайн күтән нүртләт. Тата хантэт вүләлдат мәшья пәшәсн тайләлдат. Щит паты войт таңн па лүнән иса и тахийн вәлдат па вүлән дант иса щих пәрәнтдат.

**— Касум мир иты муй Ямал мүва ѣн касаңдат?**

— Аңтә. Мүн питы вуй вүтни тахетн иса мухәләя вүсүюв. Немхудта мәнты щирэв ѣнтәм: лыв пүвә пелкән па ям пелкән вәлдат. Касум мүв таш нух вүтни тахетн хулна мухәләя ѣн вүсү. Там пүляң щив мәнты питсат — Сургутнефтегаз интум 15-18-кем километра вүшн Нумто эвәлт рәпитет.

**— Хән Когалым мәнсум, вантсем, хәлән доңыш тәп ёш питәрн вәс. Алла, тата питы вуй ям щирн нух талды, лән мүв ѣн хәлытты.**

— Ма нәң пила кашашлум. Ма вәләм, юхи хәшум одатн нефтяникат ар вәр вәрләт, лән мүв вүв систама тайты, щи вера ар вух тәрупталы. Вантдем, сүсн па товийн карты өхләт мүв хәлытум йинц па тәпәр нух ѣкәтләт. Товийн лыв нәмасыя тухлән хопн яңхләт па нәмләт вантдат, мүв пуритты тахетн систамат мүй

хэлэнтэй. Щит ям вэр.

*– Интум па вэрт олднайн иньшасты лэнхалум. Итэх тэхетн рүтгэштэй ёх хантэт вэлупсы ванттыя вүты яңхлэйт. Шуши ёх вух саты дыведа ванлтэлдэйт, муй ширн вэлдэйт. Когалым пүнчлн вэлты шушет щи вера вүянтты каш тайдэйт, дэлн щитунтасн иши вух ёша павтты?*

– Ар хуят дэнхадэйт, тэп юридической вертэйн вэлдэйт па муй ширн рэпата тэхи пүншты. Ма нэмэслум, айкэмн щит вёрты вэнлдэйт. Людмила Сергеевна Кечимова хотаён ёх тэм пүлдэн Когалым лепн «ЛУКОЙЛ-Западная Сибирь» тэхи унтасн рүтгэштэй кэрт вэрл. Щата вүлэйт вэлты питлэйт па рүтгэштэй ёх юхтыйлты пиньшлэйт. Интум Людмила щи вэр лэштэй нумэсн вүлэйт лэтты питэй.

**– Вүтн вэлты мир вүлды нюхи, хүл па воньшумут хута ел тынылдэйт?**

– Интум когалымской хантэт ёшн муй тынесты тэхет пүнчлн щиттэй тынылдэйт. Русскинской кэртэн «Ханты ёх» нэмуп тэхи вэл, ар хуят щив мэлдэйт. Күш щата хүл, нюхи па воньшумут тынлы тынэн вүлды, ишипа щив мэты рэхд. Вантэ, щи тына нух нётты вух мийлялды.

**– Когалымэн Вүлден мир емэнхэтэлн щивалдсум, хуты ар шуши ёх түтэн өхдэйт па снегоходдэйт тайдэйт. Пухэт квадроцикл нэмуп өхдлн вантсум. Неш вүлэйт тухалли дыв тэмийис карты өхдэйт иши тайдэйт.**

– Па муй. Мүн XXI-мит йисн вэлдүв па хэннэхэйта тэмийис ширн вэлты иши мосл.

Реональда  
ОЛЬЗИНА

## НИВХ ХЯ МҮВЕВ САМА РАХАС

Российской Федерацииийн 47 шуши мир вэл, щиттэй күтн няльян мир Увас па Дальний Восток мүвэйтн вэлдэйт. Дальний Восток ярхэс мира рэт мёва вэл. Щит чукчэт, эскимосэт, ительменэт, алеутэт, эвенэт, эвенкэт, юкагирэт, нанайцэт, ульчет, удэгейцэт, орочет, орокэт, негидальцэт, нивхэт, айнат, корякэт, керекэт, газэт па чуванцэт нэмуп мирята. Нял щурас мултас нивхэт, ульта (ульта муй орокэт), эвенкэт па нанайцэт Сахалинской область хуши вэлдэйт. Ёмвош округ шуши мирята иты Сахалинэн вэлты ай мируп ёх ар вер верлэйт, дэлн рэт мирдал яснэт па йис вэлупсэл ад вэтшэсэт.

Щи вэр «Югра-2016» нэмуп IX-мит Мүвтэл ремеселайт мирхот хуши мүн шивалдсув, хулта Сахалинской области ишакты непекн мэсн. Урай вошн вэлум вэртут вёрты хэрн нивх хэ «Лучший мастер по художественной обработке дерева» кэ-супсыйн кимит тэхия питэй па ишакты непек ёша павтэй.

Вадим Ноглики кэртэн Ноглиksкой районэн вэл, хута яртъян щурас мултас хуят. Щи кэрт вэн па щата хэлум ўшкола, няврэмэйт лавалтэй хотайт, «Центр детского творчества» тэхи, музей, пэлъница, түтэн өхэлн яңхты па тухлэн хоптэй датыйлты хотнэн па пасыр утэйт вэлдэйт. Мосл лупты, Ноглики мухалая питы вуй па газ холумтлы. Щит пэты хотайт газ унтасн хошмалтлыйт, кашанхоттүрпайнйинк тайлд. Вадим лупэй, мүв илти таш вүты мир вэлдэйт кэртэла вухн нётдэйт.

**Вадим Левкун:**

– Ма «Сахалиннефтемонаж» тэхийн плотника рэпитдум, карты эвэлдт щата иши арсыр рэпата вэрлум. Рэпатаин ям арат тылдэй вух вүлум. Советской одатн столярстаночник нэмуп хэя вэнлтэйлсум па кэт ол мэр юх пурмасёт вёрты хотн рэпитсум. Щи юпийн ЖЭУ хуши хот овтэй иилдэлтсум. Щалта



В. Левкун

кэт ол мэр пилорамайн рэпитсум, щалдсаты «Сахалинсвязь» тэхия мэнсум, хута хотайт омасты па щиттэй иилдэлтэй вэрн вэсум. В 2000-мит ол вүш эвэлт интум вэнты «Сахалиннефтемонаж» хотн рэпитдум.

Рүтгэштэй пурайн юх пурмасёт вэрлум, щиттэй иса катра йисн ширн вэрлэдам. Вэтэн ёхламн нэмасяя пурмас вёрты киникаятын мийляльюм, щиттэй унтасн анэт-сэнэт па па утэйт вэрлум. Юрий яем иши юх пурмас вэрл. Тэм пүлдэн пурмасдам ел ён тынылдэлдам. Вантэ, щитдам ванлтупсэтина мира ванлтатыя мослдэйт. Ма ванкүтэй арсыр ванлтупсэта вохантльюм, нэлдам область хүват па па мүвэта яңхлум.

Урай воша мэнты мэнэма вэртутэн нэ Альбина Мыгун лупэй. Тэлсаты мүн хүв тэхийн вэлдүв, щит пэты тывийты даварт вэс, хэлум тухлэн хопн тывийсүй. Урай – ям вош. Тэта вэлты мир па вэртут вёрты хэр дэштэйт хуягтэй хэннэхэйт пэлы сэмэндэйт. «Силава» рүтгэштэй тэхи вера сама рахас. Нын окружнэн па «Силава» хуши хурамэн мүв. Конда юхан иши шенкхурамэн. Щит пэты мэнэма тэта вэлты ям вэс.

Реональда СУРЕЙСКАЯ

# Рэт яснайт вэндтэты олднайн



Образования департамент непекайт эвэлт уша вэл, Ёмвош округ-Юграйн 2015-2016-мит олданайн 28-мит ёшколаян нявлремэйт рэт яснай па литература, краеведение, Ёмвош округ истории, география па экология, шуши мирэт культура, вой хүлвэлдэлтэй вэр, Увасмир пурмасатвэрты вэр па ёрёнаа йиты щир вэндтэйдэйт.

Хэнты, вухаль, юрн мирэт рэт яснай па литература Нуви санхум, Сүмтэвощ, Нефтеюганскоой, Нижневартовской, Сарханл, Кондинской, Октябрьской па Ёмвош районатн 1662-кем эви-пух вэндтэйдэйт. Сүмтэвощ, Нуви санхум, Нижневартовской, Октябрьской па Ёмвош районатн 291-кем ай пушаах ян хотятни щи яснайтн путартты вэндтэйдэйт. Щит тумпи Ёмвошн, Сүмтэвощ па Кондинской районцэн хуши вет дополнительной образования нэмуп хотят вэлдэйт, хута 322-кем ай ёх иши дыв мирел яснай па вэлупсы уша павэлдэйт. Талантедн хэнты яснаа ай ёх 19-кем ёшколайн, кэт допобразования нэмуп хотн па дапайт нявлремэйт давэлтэйдэйт хотн вэндтэйдэйт. Вухаль яснай дапайт ёшколайн, и допобразования хотн па хэлумай пушаахотн

уша павэлтэй. Юрн яснай и ёшколайн вэндтэйдэй. Мосл лупти, Нуви санхум район ёшколайт тухайлши па мёвэйтн рэт яснай урокайт ешуптэйти юпийн вэлдэйдэйт.

2015-мит одн Ёмвош округэн «Концепция по обучению родным языкам, литературе и культуре коренных малочисленных народов Севера» нэмуп непекетаас. Щит вўранаан 2015-2020-мит олдтаа план непек хэншсы. Щи ут нумасны шуши мир яснайт вэндтэты пайт арсыр касупсэйт па олимпиадайт вэрдэйт. Шалтаа йилуп щирн яснайт вэндтэты утгайт дээштэйдэйт па учителяят иши йилуп щирн рэпитетти вэндтэйдэйт.

Кашанол Ёмвошн рэт яснуп олимпиада вэлдэял. Тэндэл йилуп шуши нявлремэйт вэндтэты хуяят па учебникайт хэншты ёх мирхота ажтасайт. Щатаа дыв

путартсайт, муй пайт дывела давэлт рэпитетти вэл. Институт народов Севера кэшчай вэлум ими Диана Герасимова щи олднайн тэмити нэмэсл:

— Учебникайт вэртэйя мосл, авторской тэхни хэлум хуяят эвэлт вэртэй, щит методист, нявлремэйт вэндтэты хуяят па вэн непекайн хэннхэхэ. Учитель ёшколайн рэпитет па яма вэлдээ, муйсэр стандартайт вэлдэйт па муй нэпэйт вўш эвэлт муйсэр утгаа нявлремэйт вэндтэты рэхдэй. Ученыйт нэмхэнты ёшколайн ён рэпитетсайт, дывела атэлт хуяянт учебникайт хэншты давэлт. Щит пайт дыв рэт яснай ушанаа ён уша павэлдэйт. Щи урокаашаан дапайт и щос мэр вэлдэял, щит пайт нявлрем урока юхайт па ён нэмлэлдэ, муй сыры вэндтас.

Рэт яснаа вэндтэты не Софья Каксина (Нуви санхум район):

— Мухалай ёшколайт хуши сыры иты вэрты мосл, лэдн нявлремэйт рэт яснай урокайт пурайн ат вэндтэйт. Щалтаа щи вэр хэлум щос ат вэс: ай ёшколайн — кэт щос, и щос — 10-11-мит классатн. Муй пайт па кэртэйтн рэт яснай урокайт хэлд күтуп юпийн вэрлэй? Ма нэмэслум, образования департамент ёхаа щи вэр түнматты олднайн вэн кэшайтаа лупти мосл.

пасырят, щит пайт хэнты щирн щит вэрты ён мосл.

Педагогической наукайт кандидат Евдокия Немысова:

— Эвет па пухайт ёшколайт хуши рэт яснай шимд щос вэндтэйдэйт, 8-11-мит классатн нявлремэйт щи ут иса уша ён павэлдэйт. Дапайт мэр и щос вўш ямсыева яснай вэндтэты щир антэм, щит пайт рэт яснайн моньшайт па шуши ёх хэншум киникайт дүнгэлти лыв кэс ён тайдэйт. Тэп еша рэт яснайн путартты вэндтэйт.

Рэт яснаа вэндтэты не Валентина Вахрушева (Кондинской район):

— Интум йилуп федеральной непекайт вўранаан шуши мир яснай урокайт худатум юпийн вэрдэйт. Ма щирэмн, щиты вэрты ён рэхдэй. Вантэ, хэлд күтуп юпийн нявлремэйт вэва йилдэйт па дывела вэндтэйдэйт давэлт. Щит пайт дыв рэт яснай ушанаа ён уша павэлдэйт. Щи урокаашаан дапайт и щос мэр вэлдэял, щит пайт нявлрем урока юхайт па ён нэмлэлдэ, муй сыры вэндтас.

Рэт яснаа вэндтэты не Софья Каксина (Нуви санхум район):

— Мухалай ёшколайт хуши сыры иты вэрты мосл, лэдн нявлремэйт рэт яснай урокайт пурайн ат вэндтэйт. Щалтаа щи вэр хэлум щос ат вэс: ай ёшколайн — кэт щос, и щос — 10-11-мит классатн. Муй пайт па кэртэйтн рэт яснай урокайт хэлд күтуп юпийн вэрлэй? Ма нэмэслум, образования департамент ёхаа щи вэр түнматты олднайн вэн кэшайтаа лупти мосл.

Реональда ОЛЬЗИНА

Касум мёва яңхәмән ма арсыр кәртәң хәйнәхүяттәпилә вәтәңәйисум. Җыв күтәлән вәна пелка ювум хәнты ими Татьяна Филипповна Ерныхова шивалдасум па лўв пиләда вәлупсәл оләңән путәртсумн.

## Вәлтәл хўват – рәпитаң

Тәм ими вәлтал хўват иса щи рәпитаң. Лўв Помутн сема питәс. Щи кәрт Касум эвәлт нәмәншәк вәл. Хәт тәл вәнты щата вәс. Щалта Тәрумлор вош педамәнсат, щата вәсат. Ащел Торум дөр пеләкн рүтъшәти мәнтал вәнты иса щи ташн яңхәс.

Татьяна Филипповна ай пурайл одәңән щиты путәртәл:

— Ма яң од эвәлт ведщи ашколая мәнсум. Однәлн Помутн нулевой класс мийлясююм, щалта па тыв Амня хуша тәсююм, интернатн вәсум. Ашкола вүлән әхәл пурайн вәс, вүлән әхәлн тыв тәсююм.

Аңкем Анастасия Ивановна Тарлина — Касум не, ащем па Филипп Ильич Багатов Помут эвәлт вәс. Җын иса вәлман хўват таш эвәлт йира ён яңхийләсәң, иса щи вүлды давәлман рәпитсәң. Ащем рүтъшәти мәнәс па әхәт ведщи Помут пәлди

яңхәс, тыведт каслыләс. Ма дапәт класс тәп етшуптыйлсум, имухты рәпитты питсум. Нивәл хуят иса вәсүв. Аңкем дапәт пух тайс па ма нивәлдимит эвия вәсум. Яйдам худыева айтедн айтәма йисат.

Мүң хотаң ёхлүв пила 1966-мит одн Хүллдор вүша вәлты мәнсүв. Щата 1967-мит одн Андрей Александрович Ерныхов хуши икия мәнсум. Щалта и тәл щата вәсман па 1968-мит одн Вүтвоша рәпитты китсыйман. Икем вүхсарәт тайты тайхийн кәшәя павәтса. Щата рәпитаң па щалта тыв совхоса китыйлса. Әхәт па вүлды тохтура вәс, ташатн яңхәс. Ма па иса щи вүш эвәлт вүхсарәт тайты нәңа рәпитсум. Шит Вүтвошин звероферма вәс. 1977-мит одн вүхсарәт Касума каслуптәсыйт. Михаил Иванович Вокуев щи пурайн совхос кәшәя рәпитаң. Вүтвошин



Ерныхов имәңән-икеңән

па вүхсарәт тайты тайхи нух вүсы. Иса нәмәлты щата ён хәшәс, иса нух вүдьтсү.

Татьяна Филипповна икел пила вет няврәм тайлсәң, ин нялн тәп хәшәс. Худыева вәна исат, рәпитләт. Кәт эви па кәт пух тайлан. Айшәк пухан Нум Касумн вәл, түт хәрәтты тайхийн рәпитл. Пожарника училиштән вәнләтәләс, ин па вән нәпекәңа йиты пәта вәнләтйил. Ими тайл, кәт няврәм әнмәлдән, эви па пухие.

Ин Татьяна Филипповна па Андрей Александрович Касума вәлты юхатсәң, пенсияя китумтәк питсәң. Вән пухан Касум кәртән кев хот омсас. Хотн щикүш мийлясыйн, тәп хотн пәлтсәң па пухан омсум хотн вәллән. Эвеңәл иши Касум кәртән вәллән, китумтәк ики вәрсәң. Вән эвел

рыбкоопн рәпитл, ай эвел па — ашколайн па хон пеләк мир ясцата няврәмт вәнләт.

— Ин мин пенсияйн вәлдүмн па муй вәрдүмн, ёл щи вәлдүмн. Ин тәм тәл ведщи тыв нык йисман. Иса вүтн вәсман. Нивәл хәс вүләмн хәшәс па хуят таш хуши есәлдәлүмн. Тәм мәр мултыкем иса вәнтән щи вәсман. Тата вәлты щикүш кеншәк па минемна мәрәм тата. Вүтн вәнләсүмн вүләлдүв пила вәлты. Щата мин атәл щи мин саптәма вәсман, - лупәл Татьяна Филипповна.

Икел Андрей Александрович Ерныхов яма пүпи як тәты вәр вәл. Щит пәта лўв арсыр мирихотата, емәнхәтдәта вәхәнтлә. Ләлн лўв айлат ёх щи вәра ат вәнләт.

**Надежда  
ВАХ**



Няврәмт пила вәйтантупсы

Ёмвоши Ас-угорской мир оса тайхи ёх ёмата ут «Культура» тайхийн вәл Центр искусства тайхийн вәнләтйлты няврәмт пәта «Юнтур» нәмпі вәйтантупсы верәнтсүт.

«Югра хәсъет» тайхийн якты-ариты хуяттә няврәмт «Куренъка» хәнты як ванләтсүт. Щи тайхи кәшәя не В. Костылева путәртәс, муй лыв вәрләт Ас-угорской мир центр тайхийн, хәнты па вухаль өрнәсәт, санквылтап па наරәсьюх ванләтс. Елды етнхот М.К. Волдина тәс. Лўв хәнты мир культура оләңән лупәс.

Пушхат увәс мирәт юнтуратт одәңән уша вәрсәт, күтәлн ёращсәт, юх талсәт, «Кусән юх» юнтуратт юнтуратт.

**«Культура» тайхи айкел  
Хәнты ясәңа тулмаشتас Надежда ИЛЬИНА**



**О**кругеви мүвәт-  
тыйнкәт давәл-  
ман тайты пәта ар ям  
ут вәрлы. И мет вудаң  
вер, щит щимәш тәхет  
ләштәтти мосл, хута мүв  
илпі таш нух талты,  
вой-хўда ведпәсләтти,  
енумты юхәт түтъюха  
эвәтти ўн рәхл. Муй  
пәта щимәш тәхет мүн  
округеви мосләт, мүн  
нынана тәм газета  
хўват айкемн хәншты  
питлүв. Тамхатл «Лу-  
говские мамонты» тәх-  
хи одәнән дүнтаты!

Ёмвошев эвәлт хәлу-  
мъяң хәт километра  
вүшн йис вес войт вәй-  
тум Луговское нәмпи  
тәхи вәл. Щит Западной  
Сибирь мүвев луват-  
тын мет катра йис  
тәхия лўнтасл. Тата 13-  
мит щурәс од юхды  
енумум юхәт, турнат па  
вәлум вой-хўл одәнән  
уша вәрты щир вәл.

Ар од тата «Мүв-Авәт  
па Хәннәхә» музей ёх  
рәпитетләт. Дыв айкемн  
уша вәрләт, муй щирн  
йис пурайн хәннекүяттәт  
вәсәт. 2008-мит олн ван  
хәтлуп тылаш тәм тәхия  
мет тарма лавәлты тәхия

## Весвой вәйтум тәхи

вәрсы па «Луговские  
мамонты» нәмн пунсы.  
Щи вүш эвәлт тәм  
тәхи «Объединённая  
дирекция особо охра-  
няемых природных  
территорий» тәхия мә-  
сы па мулты ўн рәхты ут  
вәрты щата ўн есәлдь.

Ин рәпитетти хүяттәт  
түхләң войт нух хәнш-  
ләт, мәта ут иса мүв  
луваттын шимл хә-  
щас. Шенк тарум ишкى  
пурайн вәнт войт  
нётман тайләт, сүл па  
турән пуныйләт. Ар од  
щата «Вурты киникая»  
хәншум түхләң войт,  
щит нуви лывәң күрәк  
па хайпсавне вәллә-  
ңән. Кашаң ол аршак  
васы щив юхәтти питәс.  
Хәр войт эвәлт щата  
иса нюхәс, сос, даңқи,  
күшар, шовәр, вухсар,  
антрат па па войт вәлләт.

Щи тумпи щи тәхийн  
сыр-сыр турнат, нәршет,  
тулхат, түңкәт єнумләт,  
мәта утт иши мүв лу-  
ваттын шимла йисәт.  
Щата мултыкем нюлхи,  
нохар юх, хәл, вәнши,  
пашар юхәт вәлләт.



Кашаң ол музей ёх щив  
рәпитетти яхләт, дәлн  
ийспурапавәлупсы одә-  
нән уша вәрты. Ешавәл  
мүн ләнхадүв щата їл-  
таты тәхи ләштәтти. Дәлн  
округеви па па мүвәтт

вәлтү мир әмәш па  
хурамәң тәхилүв ат  
вантсәтпауша атвәрсәт.

**Мария ТРИФОНОВА**

**Хәнты ясәна тулмаштас  
Надежда ВАХ**

**Ханты ясанг**  
**(Хантыйское слово)**  
**№18 (3462), 22.09.2016**

**Соучредители**  
Дума, Правительство  
Ханты-Мансийского  
автономного округа – Югры  
**Издатель**  
Департамент общественных  
и внешних связей Ханты-  
Мансийского автономного  
округа – Югры

### Редакция

Главный редактор –  
**Решетникова Р.Г.**  
Телефон (3467)33-36-82

Заместитель главного  
редактора – **Вах Н.И.**  
Телефон (3467)33-24-02

Ответственный секретарь –  
**Рагимова Н.В.**  
Телефон (3467)33-24-02

### Адрес редакции и издателя:

628011, г.Ханты-Мансийск,  
ул.Комсомольская, 31  
тел./факс (3467)33-17-52

**E-mail:** [gasetka@khanty-yasang.ru](mailto:gasetka@khanty-yasang.ru)  
Газета размещена на сайте  
[www.khanty-yasang.ru](http://www.khanty-yasang.ru)

**Отпечатано:**  
ООО «Новости Югры-  
Производство» г. Сургут,  
ул.Маяковского 14.

### Подписано в печать:

по графику 22.09.2016 г.  
в 9.00.; фактически  
22.09.2016 г. в 9.00.

Индексы **04393, 54393**  
Тираж **2210** экз. Заказ 1860  
Цена свободная

Газета зарегистрирована  
Управлением Федеральной  
службы по надзору в сфере  
связи, информационных

технологий и массовых  
коммуникаций по  
Тюменской области, ХМАО-  
Югре и ЯНАО. Свидетельство  
о регистрации ПИ №ТУ 72-  
00796 от 23 января 2013г.

Мнение авторов  
публикаций не  
обязательно отражает точку  
зрения  
редакции.